



29. April 2019

UPA 2019/155
Aqqu C. Jerimiassen

Sulisartup sunniteqarfiginngisaanik piffissami sivikitsumi tunisassiornermik unitsitsigallarneq pissutigalugu angerlartitaanermi suliffeqarnermi ikiorsiissutinik pissarsisinnaanerup annertusitinneqarnissaa, suliffeqarfinni sunngaluartuniluunniit sulianut suogaluartunulluunniit atuutsinneqalernissaa anguniarlugu sulinermi ikiorsiissutit pillugit Inatsisartut inatsisaata nr. 2 majip 15-ianeersup 2014 allanngortinneqarnissaa kingusinnerpaamik UPA2020-imi siunnersuuteqaqqullugit Naalakkersuisut peqquneqarnissaannik Inatsisartut aaliangiiffigisassaattut siunnersuut.
(Inatsisartunut ilaasortaqaq Doris Jakobsen, Siumut)

Ukiorpanni kingumut qiviraanni tusakkajoqaarput aalisakkerivinni annerusuni minnerusuniluunniit angerlartitsiinnarallartarneq, suogaluarnersunik peqqutilik.

Qujanartumilli kiisami uani siunnersuummi Atassummit maluginiarparput allat suliffeqarfiit maluginiarneqalersimasut, aalisakkerivinnimi sulisut taakkuunngimmata kisimik angerlartitaasartut. Tamanna nammineq uanga misilittagarisannik taasiffigilaartariqavissorpara, nunatsinni illoqarfimmiluunniit takornariaqarnikkut unnuisarfeqarnikkulluunniit pitsaanerpaami inissisimasumiikkaluaraannilunnit (tassalu Ilulissani) nalaanneqarsinnaasarpog juullikkunni matoqqangallarnermi pinngitsaaliissummik sulinnigiffeqartitaaneq naak akunnermut akissarsiaqaraluarluni, juullikkullumi tassaasarpog amikkisaarani ilaqutariittut ataatsimuualaarnerit persuarsiorartut pingaarnersaattulluunniit taaneqarsinnaasog.

Sulineq toqqissisimanartuusassaavoq, sulinermi ilisimaarinngikkaanni aqagu suli sulissanerluni imaluunniit ikilisaapiloornermi eqqungaaratartunut akuusinnaanerluni, suliffimmut ataqqinninneq sulerusussuserlu qaffannaviannigilaq. Ajornaqaarmi sulisussaaleqiniarlutalu illuanilu suliffissaaleqisulik ataqatigiinnginneq annertoqaaq.

Atassummiik pingaartittuagarput inuiaqatigiinni toqqissisimanissaq tassaassaaq siunnerfik pigiuannangassarput illiungaluarpat uangaangaluarpalluunniit, inummi sulinermini paarsilluartog ataqqinnittorlu tassaakkajummat sulisitsisuminit paaqqutarianeqarluartog naleqartinneqartorlu. Eqqaanngitsoorusunnangilarlumi uani sulisitsisog sulisuminut ataqqinnittoq ineriartortitserusussusilik paarsilluartorlu sulisuminik aalajaatsunik peqartuarmat.

Nunatsinni pikkorissaasartutut namminersortut toqqagassat ikittuinnaannegeqaat, kingumullu nammineq misilittakkannik nassuiaalaassaguma, saaffiginnittarfimmiutut atorfeqarsimaninni Inussuk Consult pikkorissaasorigatsigu suleqatigiippanguulluta pissarsiat ikittuinnaannegimmata.



Sulisut angerlartinneqaannaratik arlalinni, soorlu uani siunnersuuteqartup assersuutigisai atuarfinni asaasut, inuttut suliffimmi ineriartortitsinermik pikkorissarneqartarsinnaaner at angerlartiinnarneraniik isuma pitsaanoqimmat.

Eqqanaarniagassagulli uani arlaqartariaqarput angerlartitsiinnartannginnissaq tamakkiisoq eqqarsaatigissangaanni, aningaasaq nunatsinniisinneqartariaqarpoq, nalinnaavallaqaarmi pisortat ingerlataanni pikkorissaasoqassatillugu nunatsinni pikkorissaasartut namminersortut atunngivillugit avataanik “pikkorinnerusunik” aallertarnej. Tamannami imannak annikkaluamik assersuutigilaarsinnaavara, pikkorissaasartuullunga suliffeqarferujussuarmi Aabenraamut pikkorissaajartoraluaruma ila sulisui qanoq eqqarsassagaluarp? “Una nunatsi sianigisaqanngitsoq susoruna aamma”?

Atassumiillu taamaattumik pingaartipparput oqarsinnaassalluta, angerlartitsiinnannginnissaq akeqarpoq, taamaattorli aningaasaq sulisunut sulisikkutsigu pitsaanoqaaq tafikataaginnartinnissaanniik, pikkorissaatitsinikkullu inuttut siuariartuutissat aamakorsuit tamassa utaqqisut.

Atassummiik siunertariuarsimavarput angerlartitsiinnartarnerup piunngilluinnarnissaa qangaaniilli, maannalu una periarfissaq atorlugu nunatsinni pikkorissaasartorpassuit nunatsinnut pissutsinut ilisimasallit periarfissaanissaa ammaalluarsinnaavoq angerlartitaaginnartussaagaluit pikkorissaavigineqarpata.

Taamaattumik Atassummiik una siunnersuut ataatsimiitsitaliamut susassaqartumut ingerlanneqartussatut innersuupparput.